

आकाशवाणीखबरां

1. प्रधानमंत्री नरेंद्र मोदी होरें देशवासिएं ते टकोह्दा करियै उद्योग ते स्टार्ट अप्स कन्नै जुडे दे युवाएं गी एहदे म्यार गी लेइयै जोर देने दी अपील कीती।
2. प्रधानमंत्री नरेन्द्र मोदी होरें 18एं बरें दे होआ करदे सबनें नौजवानें गी आग्रैह कीता जे ओह पक्क गै अपने आपै गी इक मतदाता दे तौर उप्पर पंजीकृत करोआन।
3. राष्ट्रपति द्रौपदी मुर्मु होरें मतदाता दिवस कार्यक्रम गी सम्बोधित करदे होई आक्खेआ ऐ जे मतदान छडा राजनीतिक अभिव्यक्ति नेई सगुआं देश दी लोकतांत्रिक चुनावी प्रक्रिया च नागरिकें दे विश्वानस दा प्रतीक ऐ।
4. राष्ट्रपति द्रौपदी मुर्मु होर अज्ज 77में गणतंत्र दिवस दी पूर्व संजा राश्ट्र गी सम्बोधित करडन।
5. गणतंत्र दिवस-2026 दे मौके पर पुलिस, अग्निशमन, होमगार्ड ते सिविल डिफेंस ते करेक्शनल सर्विसेज दे नौ सौ 82 कर्मियें गी वीरता ते सेवा पदक दिते गए न।
6. भारत ते न्यूजीलैंड बश्कार 5 टी-20 क्रिकेट मैचें दी श्रृंखला दा त्रीया मैच अज्ज गुवाहाटी च खेडेआ जाह्ग।

PM Mann ki Baat

प्रधानमंत्री नरेन्द्र मोदी होरें अज्ज अपने रेडियो कार्यक्रम मन की बात दे राहें देश-बदेश दे लोकें कन्नै बचार सांझे कीते। प्रधानमंत्री नरेंद्र मोदी होरें देशवासिएं ते टकोह्दा करियै उद्योग ते स्टार्ट अप्स कन्नै जुडे दे युवाएं गी एहदे म्यार गी लेइयै जोर देने दी अपील कीती। श्री मोदी होरें अपने संबोधन च बरें 2016 च शुरु होई दी भारत दी स्टार्ट-अप जात्तरा दा बी जिक्र कीता ते आखेआ जे स्टार्टअप्स दे राहें भारत दे नौजवान अज्ज हर खेत्तर च अपनी काबलियत दा लोहा मनवा करवा करदे न। श्री मोदी होरें आखेआ जे विकसित भारत दी जात्तरा गी रफ्तार देने लेई मता जरूरी ऐ जे जेहडे बी उत्पाद भारत च तैयार कीते जान ओह उच्च गणवत्ता आहले होन। इस मौके पर उ'नें देशवासियें गी अज्ज मनाए जा'रदे मतदाता दिवस दिआं शुभकामनां दित्तिआं ते 18एं बरें दे होआ करदे सबनें नौजवानें गी आग्रैह कीता जे ओह पक्क गै अपने आपै गी इक मतदाता दे तौर उप्पर पंजीकृत करोआन। श्री मोदी होरें आखेआ जे विकसित भारत दी जात्तरा गी रफ्तार देने लेई मता जरूरी ऐ जे जेहडे बी उत्पाद भारत च तैयार कीते जान ओह उच्च गणवत्ता आहले होन। प्रधानमंत्री होरें बदेशें च रवा करदे भारतीयें दे जोगदान पर अपने बचार सांझे करदे होई मलेशिया इंडिया हेरीटेज सोसायटी दे जतनें बारै बी देशवासिएं गी अवगत करोआया। श्रीअन्न यानि मुट्टे अनाज दे बारै च गल्ल करदे होई श्री मोदी होरें देश दे बक्ख-बक्ख हिस्सें च मुट्टे अनाज यानि मिलेट्स गी लेइयै कीते जा'रदे कम्में पर लोऽ पाई ते आखेआ जे सबनें गी इक सेहतमंद जीवन लेई मिलेट्स कन्नै बने दे उत्पादें दा सेवन करना लोडचदा ऐ। जम्मू-कश्मीर दे अनंतनाग जिले दे बसनीक मीर जाफर हुं दे जतनें बारै बचार सांझे करदे होई प्रधानमंत्री होरें गलाया जे उ'नें युवा पीढ़ी गी नशे दे जाल चा बाह कडुने लेई इक बड्डा अभियान चलाया। अज्ज दे अपने मन की बात कार्यक्रम च श्री मोदी होरें पर्यावरण संरक्षण, स्वच्छता, एक पेड़ मां के नाम ते औंदे फरवरी महीने होने आहले इंडिया ए.आई. इम्पैक्ट सम्मिट दे बारै च बी बचार सांझे कीते।

Prez. National Voters Day

राष्ट्रपति द्रौपदी मुर्मु होरें आक्खेआ ऐ जे मतदान छडा राजनीतिक अभिव्यक्ति नेई सगुआं देश दी लोकतांत्रिक चुनावी प्रक्रिया च नागरिकें दे विश्वानस दा प्रतीक ऐ। नमी दिल्ली च अज्ज राष्ट्री य मतदाता दिवस कार्यक्रम गी सम्बोधित करदे होई राष्ट्रपति होरें आक्खेआ जे मतदान ऐसा माध्यम ऐ जिसदे राएं नागरिक अपनी आसे मेदें गी जाहिर करदे न। राष्ट्रपति होरें आक्खेआ जे अज्ज दे मतदाता साहडे कल दे भविक्ख दे निर्माता बी हेन ते इस करी जरूरी ऐ जे सारे नागरिक अपनी संवैधानिक जिम्मेदारिएं गी ध्यान च रक्खते होई अपने मताधिकार दा इस्तेमाल करना अपने संबोधन च राष्ट्रपति होरें अंतर्राष्ट्रीय लोकतंत्र ते चुनावी सहयोग संस्थालन दी भारत दी अध्य क्षता दा जिक्र कीता। राष्ट्रपति होरें जिक्र कीता जे हाल च गै संपन्नस भारत अंतर्राष्ट्री य लोकतंत्र ते चुनाव प्रबंधन सम्मेलन च बक्ख बक्ख देशें दे 42 चुनाव प्रबंधन निकायें ते प्रतिनिधियें हिस्सा लैता। मतदाता दिवस दा इस बरे दा बिशे ऐ - मेरा भारत, मेरा वोट। इसदा नारा ऐ - भारतीय लोकतंत्र दे केंद्र च नागरिक। इस मौके पर

राष्ट्रपति होरें पैहली बारी मतदाता बने दे युवाएं गी मतदाता फोटो पन्ड्यान पत्र सौंपे। राष्ट्रपति द्रौपदी मुर्मु होरें बक्ख बक्ख श्रेणियें च सर्वश्रेष्ठ चुनावी पद्धति पुरस्कारर बी भेंट कीते। चुना च प्रौद्योगिकी दे असरदार इस्तेमाल आस्तै सर्वोत्तम चुनाव जिला पुरस्कार बिहार च पूर्वी चंपारण, केरल च कासरगोड ते तमिलनाडु च तंजावुर गी दिता गेआ ऐ। ओडिसा च नुवापाडा, मेघालय च पूर्वी खासी हिल्स ते बिहार च पूर्णिया गी चुनाव प्रबंधन श्रेणी च पुरस्कार हासिल होआ। बिहार च पटना, गुजरात च बोटोड ते केरल च वायनाड नै नवाचारी मतदाता जागरूकता पैहल श्रेणी च पुरस्कारर जीते ना। आचार संहिता दी अमलावरी ते प्रवर्तन पुरस्कारर मिजोरम च मामित ते बिहार च समस्तीजपुर गी हासिल होआ। सिखलाई ते क्षमता निर्माण श्रेणी च बिहार च मधुबनी, उत्तर प्रदेश च बिजनौर ते झारखंड च पाकुड़ गी सम्मान दिता गेआ। पिच्छले बरे बिहार ते दिल्ली विधानसभा चुनाव आस्तै केंई अधिकारियें गी खास पुरस्कार प्रदान कीते गए। मीडिया पुरस्कार रें दी श्रेणी च प्रिंट मीडिया आस्तै दैनिक जागरण, पटना, इलेक्ट्रॉनिक रेडियो श्रेणी च आकाशवाणी दिल्लीर दे समाचार सेवा प्रभाग ते इलेक्ट्रॉनिक टेलीविजन श्रेणी च न्यूरज-18-बिहार-झारखंड गी पुरस्कार प्रदान कीते गए। मुख् चुनाव दफतर दी सर्वोत्तम सोशल मीडिया टीम दा पुरस्कारर बिहार दे मुख् चुनाव कार्यालय गी दिता गेआ। आकाशवाणी दे समाचार सेवा प्रभाग गी 2025 च मतदाता जागरूकता आस्तै सर्वश्रेष्ठ अभियान लेई इलेक्ट्रॉनिक रेडियो दी श्रेणी च मीडिया पुरस्कार र दिता गया ऐ। आकाशवाणी दे महानिदेशक राजीव कुमार जैन होरें राष्ट्र पति हुनदे थवा एह पुरस्कार हासिल कीता। एह पुरस्कार चुनावी हिस्सेदारी बदाने ते चुनावे बारै च जागरूकता आनने आस्तै आकाशवाणी दे योगदान गी मान्यता ऐ। केंद्रीय कूनन ते न्यास मंत्री अर्जुन राम मेघवाल, मुख् निर्वाचन आयुक्त ज्ञानेश कुमार, निर्वाचन आयुक्त डॉ. सुखबीर सिंह संधू ते डॉ. विवेक जोशी बी इस मौके पर उत्थे मौजूद हे।

<><><><><><>

Prez. Address

राष्ट्रपति द्रौपदी मुर्मू होर अज्ज 77में गणतंत्र दिवस दी पूर्व संजा राष्ट्र गी सम्बोधित करडन। एह सम्बोधन शामी 7 बजे थमां आकाशवाणी दे सभनें राष्ट्रीय चैनलें परा प्रसारित होग ते दूरदर्शन पर बी एहदा हिंदी च प्रसारण कीता जाहग – जेहदे बाद अंग्रेजी च एहदा प्रसारण दूरदर्शन पर दस्सेया जाहग। दूरदर्शन पर हिंदी ते अंग्रेजी च सम्बोधन दे प्रसारण दे बाद- एहदे क्षेत्रीय चैनलें पर क्षेत्रीय भाषाएं च बी प्रसारण होग। आकाशवाणी पर एहदा क्षेत्रीय भाषाएं च प्रसारण रातीं साडडे 9 बजे प्रसारत कीता जाहग।

<><><><><><>

Galantry Awards

गणतंत्र दिवस-2026 दे मौके पर पुलिस, अग्निशमन, होमगार्ड ते सिविल डिफेंस ते करेक्शनल सर्विसेज दे नौ सौ 82 कर्मियें गी वीरता ते सेवा पदक दिते गए न। इन्दे चा इक सौ 25 कर्मियें गी वीरता पदक दिते गए। एह पदक जीवन बचाने, संपत्ति दी रक्षा करने, अपराध रोकने ते अपराधियें गी गिरफ्तार करोआने च बेजोड साहस दसखे आस्तै दिता जन्दा ऐ। इसदे अलावा इक सौ इक विशिष्ट कर्मियें गी राष्ट्रपति सेवा पदक ते सराहनीय सेवा आस्तै सात सौ 56 कर्मियें गी पदक दिता गया ऐ। विशिष्ट सेवा आस्तै राष्ट्र पति पदक, सेवा च अति विशिष्ट रिकार्ड आस्तै दिता जन्दा ऐ। उत्थें गै सराहनेंजोग सेवा पदक कुशलता ते कर्तव्यनिष्ठा दे महत्वपूर्ण कम्म आस्तै दिता जन्दा ऐ।

<><><><><><>

VP-Voters day

उपराष्ट्रपति सी.पी. राधाकृष्णन होरें राष्ट्री मतदाता दिवस पर देशवासियें गी शुभकामना दितियां न। इक सोशल मीडिया पोस्ट च उपराष्ट्रपति होरें आखेआ जे देशै दी पिच्छले 75 बरें दी चुनावी यात्रा लोकतंत्र दी शक्ति, समायोजिता ते समावेशिता ते संविधान च निहित मूल्यें गी बनाई रक्खने दी साफ मिसाल ऐ। श्री राधाकृष्णन होरें आखेआ जे जिम्मे दारी ते जागरूकता कन्नै वोट देने दे अधिकार दा इस्तेमाल करिए नागरिक, समावेशी ते भरोसेमंद लोकतांत्रिक प्रक्रियाएं च योगदान दिन्दे न। उने नागरिकें दा आह्वान कीता जे ओह चुनावी बवस्थित च अपना भरोसा होर मजबूत करन ते जागरूक ते सक्रिय हिस्सेदारी दे माध्यम सोयां देशे दे लोकतांत्रिक भविष्य दे निर्माण प्रति समर्पित रहौन।



CEC SIR

मुख्य चुनाव आयुक्त ज्ञानेश कुमार होंरें आखेआ ऐ जे मतदाता सूचियां लोकतंत्र दा आधार ऐ। इस्सै मकसद कन्नै मतदाता सूची दी खास ते गहन नजरसानी आहली प्रक्रिया एस.आई.आर शुरू कीती गई। एहदा मकसद मतदाता सूचिएं च हर योग्य मतदाता दा नां जोड़ना ते हर अपात्र दा नां हटाना यकीनी करना ऐ। उनें एह टिप्पणी राश्ट्री मतदाता दिवस दी पूर्व संज्ञा जारी इक स्नेह च कीती। मुख्य निर्वाचन आयुक्त होंरें आखेआ जे बिहार च खीरी मतदाता सूची खलाफ इक बी अपील दायर नेई कीती गई। एह अपने आपै च एस.आई.आर दी पवित्रता ते विश्वसनीयता दा सबूत ऐ।



Cricket-T 20

भारत ते न्यूजीलैंड बश्कार 5 टी-20 क्रिकेट मैचें दी श्रृंखला दा त्रीया मैच अज्ज गुवाहाटी च खेडेआ जाह्गा। एह मैच शामी 7 बजे शुरू होग। भारत श्रृंखला दे पैहले दवें मैच जित्तिथै श्रृंखला च 2-0 कन्नै अग्गे ऐ।



PM-Himachal Pradesh

राष्ट्रपति द्रौपदी मुर्मु होंरें हिमाचल प्रदेश दे स्थापना दिवस पर अज्ज राज्यट दे लोकें गी शुभकामना दिंतियां। इक सोशल मीडिया पोस्ट च राष्ट्रपति मुर्मु होंरें आखेआ जे हिमाचल प्रदेश गी ओदी आध्याइत्मिक परंपराएं आस्तै देवभूमि, ते शौर्य दी विरासत आस्तै वीरभूमि आखेआ जन्दा ऐ। उने आखेआ जे राज्यप च हर भेठा कुदरती शलैपा ऐ। राष्ट्र पति द्रौपदी मुर्मु होंरें आखेआ जे राज्ये दे मेहनती लोक राष्ट्र निर्माण ते राश्ट्री सुरक्षा च महत्व पूर्ण भूमिका निभान्दे रौडन। उने राज्य दे उज्जोवल ते समृद्ध भविक्ख दी कामना कीती।

